



Inatsisartunut ilaasortaq
Jens Immanuelson
Siumut

Suliffeqarfiit biilii suliffiup avataani atorpeqartartut pillugit § 37 naapertorlugu apeqqummut, apeqqu nr. 154-imut, akissut

Brevdato: 26-06-2015
Sags nr. 2015 - 2446
Dok. nr. 556364

Asasara Jens Immanuelson,

Inatsisartut suleriaasianni § 37, imm. 1 naapertorlugu imaattunik apeqquteqarputit.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Suliffeqarfiit Bil-i suliffiup avataani atorpeqartartut akileraaruteqaataasussaannerat qanoq nakkutigineqarpa suliffiup avataani angerlaallungit paarineqarnerini, aamma qanoq tamanna nakkutigineqarpa?

Bil-it nunattinni aqqusinernut akileraarutaat illoqarfikkaarlungit qanoq isertitsissutaasarpat.

Akileraartarnermi inatsimmi paragraf 19-imi allassimavoq biilip, akileraartartup sulisitsisuminit atorfinitsitaanermi atavillugit privatimik atorsinnaasaata nalinga aningaasarsiat akileraaruteqaataasussat naatsorsorneranni ilanngunneqassasoq.

Sulisitsisup akissarsiatut tunniunneqarsimasut kiisalu akileraarutit unerartinneqarsimasut amerlassusii pillugit paasissutissat ukiup qaangiunnerani nalunaarutigisussaavai. Paasissutissat taaneqartut saniatigut, atorfinitsitaanermi atavillugit akeqanngitsumik ajunngitsorsiaajunnartut, soorlu sulinngiffeqarnermi akiliunneqarluni angalanerit, akeqanngitsumik oqarasuaateqartinneqarnek, akeqanngitsumik biileqartinneqarnek ilaallu ilanngullugit, sulisitsisup aammattaaq nalunaarutigisavai.

Paasissutissat tamakku nammineerluni nalunaarsuiffimmi naqeriigaasumi innuttaasunut nassiuunneqartartumi nalinginnaasumik allassimareertarput, tassa erniatigut isertitat/ernianut aningaasartuutit, sulisut kattuffiit akiliutit ilaallu ilanngullugit pillugit paasissutissat aningaaserivinnit, taarsigassarsiniartarfinit, sulisut kattuffiit ilaallu ilanngullugit paasissutissiissutigineqartartut tunngavigalugit allassimareertarmata.

Paasissutissat taagorneqartut amigaaateqarsimappata kukkusumilluunniit nalunaarneqarsimappata akileraartartut ataasiakkaat nammineerlutik pisussaapput paasissutissat taakku nammineerluni nalunaarsuiffimmi allassallugit/naqqissallugit, akileraartartup inaarutaasumik akileraarutissai eqqortumik naatsorsorneqarsinnaaqullugit.

Akilerartartup eqqortumik akileraarnissani pinngitsoorniarlugu paasissutissat eqqortut allassimangikkai paasineqarpat, tamanna akilerartarnermi inatsimmi aalajangersakkat naapertorlugit akiliisitsinermik kinguneqarsinnaavoq, tassaagajulluni akilerartutiginngitsuukkat marloriaataattut amerlatigisut, soorunalumi aamma akilerartutiginngitsuukkat akilerneqartussaallutik. Allatut oqaatigalugu, piaraluneerluni akilerartutiginngitsuukkat paasisoortillunilu tamanna akisoorujussuusinnaavoq.

Akeqanngitsumik biileqartitaaneq pillugu paasissutissat amigaataasimappata tamanna Akilerartarnermut Aqutsisoqarfiup sulisitsisunik nakkutilliineranut atatillugu paasineqarajuppoq, tassani suliffeqarfii/selskabit naatsorsuutaanni isertitat aningaasartuutillu misissorneqartarmata, matumani soorlu aamma akissarsianut tunngasut sulisut atorfinitsitaaneranni isumaqatigiissutinut sanilliunneqarnerisigut takuneqarsinnaasarluni akissarsiat suut isumaqatigiissutaasimanerat aammalu akeqanngitsumik ajunngitsorsiaqarnissaq, soorlu akeqanngitsumik oqarasuaateqarnissaq, akeqanngitsumik biileqartinneqarnissaq assigisaalu isumaqatigiissutaasimangersoq.

Kiisalu ukiuni ataasiakkaani akilerartarnermut atatillugu Akilerartarnermut Aqutsisoqarfik immikkut ittunik sammisaqartarpoq, soorlu aalajangersimasunik eqqumaffiginnikkut, tassaasinnaasut akeqanngitsumik biileqartinneqarneq, illunik/inissianik attartortitsinikkut isertitat, sulisut kattuffiitut akiliutit ilaallu ilanngullugit.

Suliffeqarfii/selskabit tamavimmik naatsorsuutaasa pappialartaat Akilerartarnermut Aqutsisoqarfiup soorunami ukiut tamaasa misissorsinnaanngilai, eqqunngitsuoqartorli paasineqarpat Akilerartarnermut Aqutsisoqarfik ukiut tallimat uterluni misissuisinnaavoq, soorluttaaq Akilerartarnermut Aqutsisoqarfik paasissutissat nalunaartutiginneqartut eqqunngitsuunerat pillugu erseqqissumik paasisaqarpat pasitsaassaqarpalluunniit akilerartartut/selskabit nammineerlutik nalunaarsuiffii ukiut tallimat uterluni misissoqqinneqarsinnaasut.

Qamutit motorillit akilerartarnermut isertinneqartartut illoqarfikkuutaartumik agguataarneqarnerat eqqarsaatigalugu, Akilerartarnermut Aqutsisoqarfik taamatut naatsorsukkanik peqanngilaq.

Biilit amerlassusii, qanoq oqimaassuseqarnerat kiisalu piginnittup/akilerartarnermut akiliisussaataasup sumi najugaqarnera, imaluunniit selskabinut tunngatillugu taakku sumi angerlarsimaffeqarnerat malillugit agguataakkat, Akilerartarnermut Aqutsisoqarfiup qamutit motorillit nalunaarsorneqarfiat malillugu allattorsinnaavai. Qamutit motorillit akilerartarnermut paasissutissat taakku malillugit naatsorsorneqarsinnaapput. Takussutissartaat ilanngussami ilanngullugu nassiunneqartumi takuneqarsinnaavoq, takussutissamiipputtaaq qamutit motorillit akilerartarnermut akiliisussaataangitsut, soorlu qatserisartut biilit.


Biilit sumerpiaq inissisimanerat amerlanertigut tassaasarpoq piginnittup najugaa, kisianni assersuutigalugu suliffeqarfii anginerit arlaqartut Nuummi allaffeqarfeqartut Kalaallilu Nunaanni tamani tamaani immikkoortortaqartut pigippatigik, taava biilit takussutissami ilanngullugu nassiunneqartumi Nuummiittutut nalunaarneqarsimasapput, naak biilit illoqarfimmi allami inissisimagaluartut.

Naggasiullugu oqaatigineqassaaq Akileraartarnermut Aqutsisoqarfiup qamutitut
motoorilinnut allattorsimaffiutaa biilit pigineqalersutut pigiunnaarneqartutullu
nalunaarutigineqarnerat naapertorlugu ingerlaavartumik nutarterneqartarmat,
taamaattumillu takussutissiaq ilanngullugu nassiunneqartoq 17. juni 2015-imeersuuvoq.

Apeqquvitit qulaani akineqarsimanissaat neriutigaara.

Inussiarnersumik inuulluaqqusillunga

Med venlig hilsen

A handwritten signature in blue ink, appearing to be 'Andreas Uldum', written in a cursive style.

Andreas Uldum

Ilanngussaq:**Biilit motorcykelillu amerlassusiisa, piginnittut/akileraarummik
akiliisussaataitasut najugaat naapertorlugit agguataagaasut takussutissartaat.**

Illoqarfik/sumiiffik	Amerlassusii	Isertinneqartartut
Alluitsup Paa	1	10.747
AMMASSALIK	4	63.472
Arsuk	3	19.662
Avanersuaq	17	106.123
Danmarkshavn	1	6.554
Illoqqortoormiut	10	67.408
Ilulissat	508	5.453.181
Ittoqqortoormiit	21	156.343
Kangerlussuaq	102	1.337.690
Kangaatsiaq	7	82.418
Kulusuk	3	19.662
Kuummiut	1	10.747
Maniitsoq	179	1.912.987
Nanortalik	48	583.129
Narsaq	65	655.440
Narsaq Kujalleq	1	15.231
Narsarsuaq	7	50.071
Narsarsuaq Nar	4	56.440
Nuuk	2983	31.355.367
Nuussuaq	1151	12.068.201
Pituffik	1	10.049
Paamiut	66	715.868
Qaqortoq	271	3.201.148
Qasigiannuit	59	490.181
Qassiarsuk	3	45.897
Qeqertarsuaq	44	476.451
QAANAAQ	4	54.591
Sisimiut	777	8.614.517
Tasiilaq	78	953.557
Komm. aggornerisa avataanni	7	104.972
Upernavik	53	497.358
Uummannaq	95	1.087.354
AASIAAT	124	1.550.809
Kal. Nunaata avataani najugallit	32	324.046
Nalunaarsorneqanngitsut	53	754.428
Katillugit	6782	72.912.099